

**"Setiap negara ASEAN perlu fokus satu industri utama bagi memacu ekonomi perdagangan serantau" - Tun M  
Astro Awani  
7 Mac 2019  
Harits Asyraf Hasnan,**

**MANILA:** Perdana Menteri, Tun Dr Mahathir Mohamad menyarankan anggota negara ASEAN sekurang-kurangnya mempunyai satu sektor industri utama yang bakal memacu ekonomi rantau itu.

Beliau berkata, sekiranya dapat dilaksanakan, inisiatif itu bakal dipacu oleh 600 juta penduduk 10 negara anggota ASEAN itu.

“Jika keempat-empat negara ASEAN ini dapat bekerjasama, kita akan memanfaatkan populasi yang besar kerana kita ada pasaran domestik yang lebih luas.

“Oleh itu, kita perlu pastikan setiap negara ada satu industri utama. Saya pasti dengan berbuat demikian, negara ASEAN akan berkembang pantas dan menjadi entiti perdagangan yang kuat di mata dunia,” ujar Dr Mahathir.

Cadangan itu dikemukakan beliau pada Forum Perniagaan Malaysia-Filipina yang membuka tirai lawatan rasmi tiga hari beliau ke republik ini.

Turut hadir pada forum tersebut adalah Menteri Luar, Datuk Saifuddin Abdullah dan Menteri Perdagangan Antarabangsa dan Industri, Datuk Darell Leiking.

Hadir sama mewakili Kerajaan Filipina pula ialah Setiausaha Jabatan Perdagangan dan Industri (DTI), Ramon Lopez serta wakil pemain industri, Jose Cuisia Jr selaku Ahli Pemegang Amanah Makati Business Club (MBC).

**© 2019 Astro Awani Network Sdn. Bhd.  
(535275-D) All Rights Reserved.**

Source: <http://www.astroawani.com/berita-politik/setiap-negara-asean-perlu-fokus-satu-industri-utama-bagi-memacu-ekonomi-perdagangan-serantau-tun-m-200463>